

DEO OPTIMO MAX.

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis decimâ-septimâ
Novembris anni M. DCC. XXXV.

M. FRANCISCO-FELICITATE COCHU,
Doctore Medico, Præside.

An, diuturniori Pulmonum Catarrho Tonica?

I.

SPONGIOSAM raramque Pulmonum substantiam qui sedulò perpenderit, si mirari desinat cur innumeris propè objiciantur ægritudinibus. Et verò tam lægniter intus & extris cujuscunque generis admittunt vala; tantâ molliæ circum Bronchiorum orbes glandulas fluctuare sinunt; adeo tenuibus cinguntur & interfecantur membranis; tam flexili demùm coagmentantur lobulorum apparatus; ut levi de causâ aberrare à Tono, humoresque, quot quot sint, in suam perniciem imbibere velut apti nati sint. Hinc, tanquam è seminario, germinant Peripneumonia, Asthma, Hæmophthœ, Phthisis, ceteraque idiopathicorum Pulmonis affectuum formidanda cohors. Nec per se solum divexari valent Pulmones: aliorum etiam viscerum patiuntur deliramenta; insontesque, iis sæpè plectuntur crudelius. Si diuturniori Ventriculus, & Intestina obruantur imbecillitate, crudamque & indigestam ad sanguinem laboriosè amandent Clymosim; hanc intemperiem brevi sentiet, delicatula pars, Pulmo, humorumque adulteratam ægrè sustinebit molem. Quam crudeliter & Pulmones laceffat Hepatis induratio scirrosa, vel Cholidochi canalis obstructio, quis non videt? deficiente etenim secretionè bilis, vel ejusdem excretionè, hæc redundabit in alveum sanguinis, acremque inter circulandum diathesim contrahens, molle Pulmonum Parenchyma continuò vellicabit, illud tandem morbose afficiet. Est & quod multùm reformident ex Uteri parte; dùm hic scilicet inordinato raptus æstu, sanguinem intra hujus cavum ex nature voto fluere tentantem, insanè repellit, aut serosæ tantùm parti viam non denegat strictiorem: Quippe latex ille purpureus non rarò intra Pulmones necit moras, ibique, vel, ex leviori tussiculâ, vasorum diffringens parietes spumofus exfereatur; vel, ignaviter stagnans, deletricem naturam induit, & Phthisin, ut plurimùm, parit insanabilem. Ita sæpè causis formidabiliores videas effectus, Quid plura? Renes ipsi, Mesenterium, ceteraque corporis partes malè affectæ, toridem nonnunquam sunt Pulmonibus hostes insensissimî; Quos inter, non contemnendam labem inferre potis est Catarrhus: Sive is etenim è naribus & faucibus, in Pulmones distillaverit, sive in ipsamet Pulmonum substantiâ fuerit congenitus, illos suâ præsentia gravabit, atque dimovebit à Tono; nisi mala sua præsentens æger, iis ponat obices per remedia quæ noxios humores generosè discutiant; quæque effritas Pulmonum fibras resarciendo, has ab imminente ruinâ vindicent.



PULMONUM Catarrhus est copiosior serosi vel pituitosi humoris intra eorum substantiam influxus. Hujus originem à percepto frigore, & humidiori temperamento ut plurimum repetas: huic & ansam præbet rarior textura Vesicularum quæ supervacuis humoribus ex-facili proluuntur: vel aliquando fit à neglecto narium aut faucium Catarrho qui, priori derelictâ sede, per metastasim in Pulmones involat, eosque pertinacius obsidet. Non Pulmonum Catarrhus una eademque indoles, non sub signis se se prodit iisdem. Nunc tenuis, aquosus, & dulcis, sensim sine sensu ad Pulmones adrepat; nunc acer, spissus, & mordax, in eos irruit vehementer: Hunc propterea semper isto periculosiorem haud rectè tibi effingeres. Cum tanto furit impetu, nondum labefactata Pulmonum fibræ, incommodam hanc humorum saburram excutere, cum successu moliantur; ipseque sue foris monitus æger, quod à Medico per initia flagitavit levamen assequitur per quam facillimè: Sed cum leniori symptomate ablanditur, inani delusus securitate misellus ægrotans de medelâ non satagit, consuetaque non intermitit munia, dum sæpè causam sui interitûs nesciens intûs gerit sub pectore; Interea enim Catarrhus licet lento gradu properans, vires suas recolligit; jam per apertos vasorum poros intra Vesiculas paulatim transpirat; jamque paulatim fibras earum irrigat & emollit: hæc mox laxata nimium, subsequenti etiamnum Catarrho patentiore adhuc cedunt aditum. Qui sub specie miti sese insinuat hostem, velut hopitii jure, excipit Pulmo non suspicax: sed humorum perpetuò appellentium temporisque successu, Catarrhus fit asperior, & in fibras quas iniurio blandè irroraverat immaniter insurgens, Tonum earum evertere conatur; donec incuriâ ferè provecus ad *anxietatē*, morâ diuturniori Pulmonum Vesiculas inertes efficiat, acredine stimulet, tenacitate infarciat, opprimat copiâ. Ite nunc, solisque Mucilaginosi & Incrassantibus humores incarcerate noxios; vel Acribus, incassum Pulmonis lancinate fibrillas, & utrisque, diuissimos affectus coagmentate, & conglutinate.

I I. I.

HAUD multum sanè proficeret Medicus qui genuinam morborum tenens causam, hos farragine pugnantium remediorum debellare susciperet; vel qui in symptomata tantummodò insurgens, causam haberet pro nihili: In errores tam exitiosos is incidere caveat qui, detectâ fluxûs Catarrhalis origine, perfectam hujus morbi curationem solis Incrassantibus, & Mucilaginosi auspicatur. Hæc multo præsertim phlegmate lento turgent & viscido, nulloque vel paucò saltem sale volatili donantur. At, quis, & minimè acutus non sentit quàm pessimè agant in partes jam serosis & pituitosis humoribus imbutas atque gravatas; suo quippe tenaci succo, intra Vesiculas noxios intricare valent humores, fibrarumque Pulmonis quas ulteriùs emolliunt, atque laxant, Tonum funditè erueri; quin & Pulmones ipsos copiosiori adhuc recrementorum colluvie referent. Quid mirum si Catarrhalis humor jam diuturniori morâ acetibus, horum adhuc medicamentorum infaustâ congerie copiosior fiat, sæculentior, & acrior. Hinc atrox, & repetita tussis; hinc tantus ad nullam ferè expectorationem labor: Catarrho enim jam fractæ Vesicularum vires, Incrassantibus, & Mucilaginosi omninò ateruntur. Nec solas Pulmonum fibras aggrediuntur hæc medicamenta: junctis cum Catarrho viribus, ipsos vasorum sanguiferorum orbes mutuo contactu debilitant; præpeditur itaque intra Pulmones sanguinis circulus; donec auctâ idcirco vasorum systole, atque dyastole, is in Vesiculas continuo arieter,

easque calefaciat nimium, inflammet, imò & exulceret. Proh dolor ! Ideò tunc
 positos obices superabit sanguis, ut quam contraxit intra Pulmones colliquati-
 vam diathesim, ad ceteram humorum massam inferat, febremque priùs lentam,
 mox putridam, & lethalem in corpus disseminet. Quot & ex Incrassantium abusu
 Catarthi sunt praefocantes ! Remediis tam perperam adhibitis, magis ac magis
 collabascunt fibræ Vesicularum, & ad quoslibet nisus surdæ, inertes jaçant, &
 imbecilles. Tunc quæ lubrico ductu sese expedire tentat materia nocens, nullis
 adjuva viribus, ad Pulmones iterum relabatur, importunumque parit Asthma ;
 copiosiorique tandem, & Incrassantium haustu, humorumque saburrâ obrutus
 fato cedit æger. Ad acria stimulantia quid incassum te converteres ? Illa in Pul-
 mones non verè descendunt ; sed solummodo laringem titillant, pungunt & irri-
 tant ; undè forsan humores quosdam fistulis Pneumonicis laxè fluitantes exan-
 tant ? dùm materiam copiosam, lentam & tenacem, Bronchiis & Vesiculis im-
 pactam haud attingunt ? quin imò, per consensum etiam Pulmones exagitando
 eos, ut plurimum, damnosè fatigant. Nec feliciori successu, liberaliori indul-
 geres usui Saccharatorum, quæ, requidem verâ, dolores ad tempus fallere ;
 symptomatumque sævitiam demulcere videntur : sed, eheu ! quàm tantillum
 istud levamen malis compensant crudelioribus ! insidiosâ titillatione copiosiores
 ferri rivulus ad Pulmones deturbant ; summâque quâ tenacitate pollent, Catar-
 rhum efficiunt adhuc glutinosiorem. Dubio igitur hoc omni Medicamentorum
 genere misso, ad ea velut ad sacram anchoram confuge, quæ certam ferant
 quam pollicentur opem.

I V.

TONICORUM nomine hîc intelligenda veniunt Medicamenta quæ
 materiam Pulmones opplentem, incidunt & attenuant ; quæque effectum
 Vesicularum robur revocant atque resarciunt. Plurima hæc inter, palmam præ-
 ripient Volatilia & Balsamica ; turpiter autem hallucinarentur ii qui Balsamico-
 rum ascriberent ordini Medicamenta quædam hoc impropiè decorata titulo ; ut
 sunt Lac, Oleum amigdalarum dulcium, Syrupi expectorantes quidam, Sebestenæ,
 Ficus, &c. quæ quidem Dulcium, Lubricantium, & Incrassantium classi potiori
 jure sunt annumeranda. Illa pro veris Volatilibus & Balsamicis habeas, quæ
 multo sale volatili scatent, & sulphure ; Balsamum scilicet Tolutanum, Peru-
 vianum, Copayvum, Crocus, Millepedæ &c. Tam potentibus prudenter instru-
 ctus remediis, pertinaciores Pulmonum Catarthos haud anceps aggredere. Hæc,
 non, Lubricantium & Incrassantium more, Trachæam tantummodo lambunt ; sed
 per circulantem sanguinem intra Pulmones advecta, in intimos eorum suffun-
 duntur recessus ; per Suffitus etiam & Vapores ad medium usque pectus aspirari
 queunt. Adest-ne tunc materia tenax, & viscida, Vesiculas opplens, Bronchio-
 rumque ipsis impacta sinibus ? Jacent-ne Pulmonum hæc imbibitorum prostratæ
 vires ? Tantos affectus Balsamicis & Volatilibus lubenter committas ; Hæc sola
 penes est tenuibus quibus pollent particulis, quasi cuneis toridem, coherentem
 gypsumque Catarthi textum resolvere ; dùm illa Balsamico liu elanguentes,
 &, ut ita dicam, sopitas Vesicularum stimulant ac suscitant fibras, quæ pristi-
 nam demùm ad se revocantes *in situum*, humores feliciter contritos, feliciùs ad-
 huc foras ejiunt. Nec ad leniores Pulmonum Catarthos Tonica relegabimus.
 Quam erunt & proficua, si, ex humorum acredine, exulceratæ fuerint fibræ
 Vesicularum, erosaque Pulmonum vasa ! Rore enim benigno Vesiculas con-
 ducit ac regenerabunt, vasorumque sanabunt distentiones, atque rupturas. Quin
 & si jam cruda tubercula congenita fuerint, illa discutient & exterminabunt,
 tubulos & Vesiculas detergent, arcebutque putredinem, Generalioribus tamen

4

remediis insistere non ideò negligas : Proderit & sanguinem pro hujus indole & copiâ, unâ vice, vel iterum atque iterum fundere ; sic & intemerata magis, liberiorique cursu ad Vesiculas ferentur Tonica ; graviq; pondere liberati Pulmone medelam accipient efficaciorum. Cathartico etiam subindè movebis alvum, ut & Tonicis conquassatus humor, ad intestina simul & ad Trachæam appulsus, duplici viâ celerius eliminetur : lene autem purgans exhibeatur, ne, si secus factum fuerit, sanguinem calefaciendo & agitando nimis, in statum colliquantium ulterius reducat, & sic ex accidenti morbus promoveatur.

V.

PERFECTAM diuturnioris Pulmonum Catarrhi curationem, ab Incras-
 fantibus, & Mucilaginosi institui posse ultrò pernegavimus ; non diffitemur
 autem quin utiliter nonnunquam adhiberi queant. Si fluxus Catarrhalis acredine
 Pulmone exasperentur, hanc apprimè retundet moderatus Lubricantium haustus ;
 Tussim ex imo pectore erumpentem sedabunt ; minorique conatu egeretur hu-
 mor : Quin, & cum Tonicis ritè maritata utramque adimplebit paginam : hæc
 causam penitus abradent ; Symptomatum sævitiam demulcebunt illa. Esto igitur
 quod ut *Paregorica* adhibeantur Lubricantia & Mucilaginosâ ; dùm à solis To-
 nicis integra salus ægotantium expectanda venit. At, inquires ? Viribus nimis
 pollent Tonica ; & ne dum debilitatas Pulmonum fibrillas ad naturæ normam
 confirment, è contra spasmodicam illarum promovent contractionem, Absit
 tantos errores in medicamenta nostra refundas meritò ! Si quando infausti ex
 Tonicorum usu sequi videantur effectus, pravam illa adhibendi methodum po-
 titiùs incusa, vel ipsorum ægorum incuriam, qui per initia de morbo parùm
 solliciti, tussis exacerbationes Mucilaginosi quibusdam, & saccharatis Syrupis, per
 intervalla lenire tantummodò satagunt ; eoque instanti Medicam invocant opem
 quo radices morbus egerit nullâ prorsùs arte extricabiles, & quo, ut inquit
 Morton, *de anime futurâ salute, & Testamentis faciendis Theologum & Jurisperitum
 consulere magis convenit.* Sed si tempore opportuno, & pro ætate, sexu, genioq;e
 morbi solerter temperentur Tonica, felicem semper tibi licebit ex his sperare
 successum. Nec ad ea sola confugere fas erit, quæ superiori Corollario per tran-
 sennam recensuimus ; ampla datur adèò Medicamentorum nostrorum seges ut
 varia, pro variis morbi gradibus seligenda veniant. Ut verbo dicam, sua sunt
 in morbis à labefactato Pulmonum robore ortum ducenibus, cuique Medico
 Ordini Tonica : Apud nos præstat usus Chalybis naturâ vel arte parati ; Kinam-
 Kinam Angli prædicant ; suam Cascarillam laudant Germani. Quid adhuc itaque
 dabites praxim amplecti, ratione fultam & judicio, peritissimorumque Medi-
 corum suffragio comprobata.

Ergo diuturniori Pulmonum Catarrho Tonica.

DOMINI DOCTORES DISPUTATURI.

- | | | |
|--|---|---|
| <i>M. Antonius - Joannes Daval.</i> | <i>M. Achilles - Franciscus Fontaine.</i> | <i>M. Thomas - Beynardus Beyrand.</i> |
| <i>M. Otto - Casimirus Barfexneck.</i> | <i>M. Joannes - Baptista - Ludovicus Chomet.</i> | <i>M. Camillus Falconet, salubris Consilii Regii Socius, & Regiâ Numismatum Academiâ.</i> |
| <i>M. Robertus - Hubertus Linguet.</i> | <i>M. Hyacinthus - Theodorus Baron, Scholarum Professor designatus.</i> | <i>M. Hyacinthus - Theodorus Baron, Es Decanus & Censor Academiæ.</i> |

Proponebat Parisiis, LUDOVICUS JACOBUS PIPEREAU,
 Rothomagensis, Baccalaureus Medicus, A. R. S. H.

1735. à sextâ ad meridiem.